


www.BibleForChildren.org

Matiu 26



Lang Lamsan
Yàîmurû ueo
nongjo
tongno-nong-mwashat
ka, Yesu wari a Betani,
muna-là mala Liazaro, bwa
mənana wu, sə Yesu loasəi nə
yiləmu ka. Pələa Maryamu
twal muna-dù mùrú
mə'rəmboarne, mənana
à pè nə nard məboarnsari, sə kùrè
pa bəti raka, soe arə akusə Yesu,
sə hasəkia nə nyang múrí. Kara rəm
mùrú məboarne man aki bala kat.




Pələa Yahuda Iskariyoti, mwashat abalə alaggana
mana lum-nong-bari ka, puro wari aban agbani pəris,
nè nggá mak Yesu. Banboaria
agbani pəris nə ok mənıa yì cau
ka, pələa à eare ama à nə pe
wi boalo. Yì gbal ka tita alta
njar mənana nə pea
wia Yesu nēi ka.



Alaggana mala Yesu o à kya pa kəla
mana banggia wia ka, à kya lam
girlina Lamsan Yàlîmurû. À nda ban li
girlina ka, Yesu twal bəredi, pak yàwá
pələa bwani, pè alaggana male sə nea
wia ama, <<Wu ang, wu li; mənia ka
nggūrəam na.>> Pələa twal kwap mala
mùr anap, pak yàwá sə pea wia, na
ama, <<Wu nu abaləi, wun kat.

Mənia ka nda
nkílèm mala
kùrcəu məbəshe,
mənana à sukki
ace twalban acaubikea
mala abwana pas ka.>>



Yesu bangga Biterus ama, <<Shiman, Shiman! Kwaki kiro! Shetan kə alte ama nè sáréki wun kəla sáré məsəsa. Sə mim ngga ən pangja hiwi aceo we Shiman, ace mənana pabamuru mo bə kəa kpa dāng. Sə bəa longja ka, bak babum amə'eambo.>>



Bitərus eari wi ama, <<Mətalem, ən shamna bumam
mə nə o atò a ndàkurban, sə mə nə wu atò!>> Yesu
pələi wi ama, <<Ən nggə no we Bitərus, yalung mənia
ka kaniama nggu nè bua ka, a nə təm cem kuse tərú
ama a súrəàm dang!>>



Pələa Yesu andə alaggana
male o a bə ban mana à
tunəki ama Gefsemani ka,
sə nea wia ama, <<Wu
duk kani, mim ngga mə
nə ká akanó mə nə pak
hiwi.>> Na ama, <<Dâ, gîr
kat a bano ka kə gandə pa.
Ən nggə zəmbô, gəsham
mənia yì kwap mala tanni ka.
Kat andə amani ka, bə kàni
mala babumo bə pa,
mem na dang.>>



Agbani Pəris andə amə Farisi tasə amə'yál Ndàməgule
mala ʔakuli andə abea soje mala amə Roma, bəa
kyane atà Yahuda aban mənana Yesu nakam
ngga. À kur rəia nə agirbura, sə à bwal bəsa
arə abukan, andə apitəla, pələa à puro
à yì tusəo a babani. Kara mwashat
abalə alaggana mala Yesu
kwetə nggeabyau male, kwar
guro mala Pəris Məgule, kasə
kiri məlì kpat. Pələa Yesu na
ama, <<ʔè go anggo!>>
Pələa je kir bʔwabure, sonzəi.




À bwal Yesu, sè à dèshina bala mala Pèris Mègule nèi.
Sè Bitèrus ka, tārètè kè o atèà. Amè'yál palta ka à
bwalèna bèsa a cengge à dumèna a kúni. Pèlèa
Bitèrus yi do atèà.




Sə bebwa mwashat abalə
aguro mala Pəris
Məgule, bəla mala bwa
mənana Bitərus kasə
kiri ka, nacau ama,
<<Ən səno məni atə Yesu
akanó a baban re?>> Bitərus
nyare təmce, ama, <<Awo mə
nda dāng.>> Anggo ka, kara
nggu bwa. Pələa puro a nza
kya bwa kəkér.




Yia kat ka à lo à warinə Yesu a badəm
Bilatus. Pələa Bilatus dī Yesu ama,
<<A nda murəm mala amə Yahudi
le?>> Yesu eare ama, <<Nda kəla
mənana à na ka.>> Bilatus ka kə earce
ama nè nying Yesu bə o,
nda sə nyare zəmbia wia.
Kara à came arə loasə già
ama, <<Bəà gballi a nggun!
Bəà gballi a nggun!>>




Gandəa Bilatus pea wia Yesu, bəà kya gbàllì amur nggun-gangndəi ka. Sə à bwal Yesu à um nəi. À tsəki wi nggun-gangndəi mənana à nè ká gbàllì amurí ka, a meali, sə pur aban ká a ban mənana à kə tunəi ama <<Ban kpoulobamuru>> ka. Nə kun Ibəru ka, à tunə banì ama, <<Golgota.>>



Àkè bani sè à gbàlì Yesu amur
nggun-gangndèi. À gbàlì abea abwana
bari gbal andè Yesu, mwashat atà bui
mèlì sè bè ka atà bui
mè'nggare, sè Yesu ka
nda aba balèu.



Lagir mənana à kasəna Ban Məfele nēi a Ndàməgule
mala ʔakuli ka, kara zanzəa a baləu. Pələa Yesu loasə
gì bəng-bəng ama, <<Dā! A babuo sə ən nggə pa
bangḡo mem!>> Lang bangḡəna
anggo ka, kara yiləmi pùró.



Yisəfu bwa Arimatiya, mana nda abalə
aməkùrcau mala amə Yahudi,
sə yì nè bamúri ka, ndaban
kundə yiu mala domurəm
mala Bakuli ka, wario nè
məsəkang-kangɲa a
ban Bilatus, kya
zəm lú Yesu.

Yisəfu pələa kúr
anggurbyau tsəkban,
yiu yi sulə lú, marəki
nə anggurbyau, sə
tsəi a bembə mənana
à tēmi a bum tali ka.
Ramta tali girna
kúni nēi.




Lang ban fa ka, nda pwari Sabbat,
agbani p̄eris ande am̄e Farisi yi
ramba a badem Bilatus.


À ne wi ama,
<<Bwam̄egule, bal̄e s̄em
kas̄ea ama mana m̄eno
yi m̄e'sw̄arki abwana
ndan̄e yil̄emu ka,
bang ama nonḡo
t̄arú a

nz̄em lú
male ka,

n̄e loapi bembe.>>



Pələa à o à kya tsək parbu mala
murəm amur bembə ace
mənanə bə bwa je ka
à nə sələa, sə à tam sə
asoje bəà yál banì.



A nzəm pwari Sabbat, nə dəmbari didyal
a pwari Ladi ka, Maryamu Bwa
Magdala andə be Maryamu
waria sən bembə. Lang
ngga, kara nzali dəurəo
kərkər. Məturonjar
mala Mətalabangjo
pur a kuli yi suləo,
ramta tali mana à
girna kun


bembə nəi ka, pələa
do amurí. Amə'yál
bembə səni ka, rəia
bəla nə nggea
bangciu, sə à kya kpa
nzali kəla abwana /
mana à wuna ka.




Məturonjar ne amaməne ama,
<<Bangciu bə kəa pakka wun
dang. Ən sələna ama wu nda
ban alta Yesu mana à gbàllì
a nggun ka. Pa akani
dang; Bakuli loasəni nə
yiləmu, kəla mənana
bangga wun ngga.

Wu yiu wu yi sən
ban
mana

nong kam ngga.>>




Amaməna man nying bembə tsuk-tsuk.
Bəngciu pakkia wia sə bumia pwəsə
kərkər. À bəngja à nè nggá bənggi
alaggana male ce. À nda njar aban
ká ka, kara Yesu yi kasəa a
dəmbia, nea wia ama, <<Ən
nggə makka wun kun.>> À
pələa à yiu a baní tū, à yì
kurri zəp.



arə akusəi, sə à peri.





Nə nzémò ka Yesu yi pusərëi a ban alaggana man lum-nong-mwashat ka aban li girlina atārëia. Pələa nunkiria ace d̄wanyì earnə cau andə murcandəa malea mənana à binə akcau mala abwana mənana à səni anzəm loapi bembə male ka. Anzəm mənana Mətalabangjo Yesu nania cau ka, kara à twali à um nēi a kùli, kya do a b̄-məlì mala ʔakuli.



Ɓakuli ka earce ɓanza k̀̀rk̀̀r, s̀̀ yì
p̀̀ k̀̀ Muna male mwashat ace
m̀̀nana ɓwa mana kat p̀̀ ɓam̀̀rì a
baní ka ɓ̀̀ k̀̀a k̀̀d̀̀k̀̀i ɓ̀̀ ueb̀̀a d̀̀ang,
ɓ̀̀ kum yil̀̀mu m̀̀nana m̀̀l̀̀a
male p̀̀ k̀̀m raka.



Amə Roma 3:23 Acemənana koyan ngga pàngghènà caubikea, səm kat ka səm gattì doboarbwa mala ʔBakuli.

Amə Roma 6:23 Tangnakusə caubikea ka, lú na, sə boro mala ʔBakuli ka, nda yiləmu mənana málá male pà kàm raka, nə bu Kərəsti Yesu Mətala səm.

Amə Ibəru 9:27 Sə kəla mənana à tsəngghènà ama bwa nə wu kusə mwashat, sə anzəm man ngga nə came a badəm bashi ka,

Amə Afisu 2:8,9 ʔBwamuru mala ʔBakuli nda amsə wun ngga, nə pabamuru ma'wun a baní. Mənia ka, pě ma'wun na dāng, boro mala ʔBakuli na, pà ace atúró dāng, ace mani ka, kəbwa bə kəa nggori dāng.



Amə Roma 10:9,10 Ɓè awu nè bang nè kúno ama, <<Yesu ka Mətalabangno na,>> sə a nè earnəi nè məsəcau a babumo ama Ɓakuli loasəi a bembə ka, a nè kum amsəban. Acemənana nè babum sə bwa nè eare nè pà bamúri aban Kərəsti, sə aba pǝ anggo ka Ɓakuli anghəni mə'cauboarna na; sə dəm ngga nè kún sə bwa nè bang pabamuru male aban Kərəsti, sə aba pǝ anggo ka kuməna amsəban.

Yohana 3:16,17 <<Ɓakuli ka earce banza kərkér, sə yi pà kə Muna male mwashat ace mənana bwa mana kat pà bamúri a baní ka bə kəa kidi kidi bə uebà dāng, bə kum yiləmu mənana málá male pà kəm raka. Ɓakuli tasə Muni bə yì bashì banza dāng, tasəi bə yì amsə banza.>>



Matiu 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Mbula Bwazza Bible (mbu) ©2022 The Seed Company

<https://www.bible.com/en-GB/bible/4399/GEN.1.MBU>

©2026 Bible for Children, Inc.

www.M1914.org

www.bibleforchildren.org

